

A Tapuai a'o le'i faatoilaloina:

❖ O le faafouina o le feagaiga (Iosua 5:1-9)

- O Kilikala o le igoa lea na tuuina atu i le toagalauapi a Isaraelu, o se nofoaga autu o pulega i le taimi o le amataga o se vaega o le faatoilaloina. O le a se taua o lenei igoa? (Iosua 5:9)
- E ui ina ua silia atu nai lo le 40 tausaga talu ona latou tuua Aikupito, e lei ulu atu lea o Isaraelu i le Nu'u o le Folafulaga. O lea la, ua solia e o latou vae. Ua oo i le taimi e aveesea ai le "luma o Aikupito" sa ia te'i latou, ma ia toe faafou le feagaiga ma le Atua).
- A'o lei aai i le ulua'i Paseka, sa peritomeina ai tane uma o Isaraelu, ona e lē mafai e se tagata e le'i peritomeina ona ta'umafa ai (Esoto 12:48). Ae ona sa latou mumusu e ulu atu i Kanana i le uluai taimi, o lea na solia ai le feagaiga, ma e lei i ai se tane Isaraelu na peritomeina i le vao (Iosua 5:5). O le faamanatuina o le Paseka i le tusi o Iosua, o le amataga lea o se feagaiga fou i le talafaasolopito o Isaraelu.
- Ina ia faafouina le feagaiga, e tatau lava ona toe faia lea lava faailoga faale-tino na faia i le taimi o Aperamo (Kenese 17:10). O lenei faatinoga na faamuamua lava le mea taua. Mo i tatou, o se faaa'oa'oga e mulimulitai i ai: "A ia outou mua'i saili le malo o le Atua ma Lana amiotonu; ona faaopopoina atu lea o ia mea uma ia te outou." (Mataio 6:33).

❖ O le Uluai Paseka i Kanana (Iosua 5:10-12)

- Mai Aikupito e oo atu i Kanana, na mulimulitai lava Isaraelu i se "faiga tusitusia" o le toe faia lea o mea na tutupu i se faasologa e faafeagai ma le uluai faasologa:
Aikupito => Peritome ma le Paseka => Sopoia le Sami Ulaula => Toafa => Sopoia le Ioritana => Peritome ma le Paseka => Kanana .
- O le Paseka muamua o se faailoga lea o le saolotoga mai Aikupito. O le Paseka lona lua, na faamanatuina e le tupulaga fou, o se faailoga lea o lo latou umia o le Nu'u o le Folafulaga.
- A'o le'i oo atu i Lona faasatauroina, na tuuina atu ai e Iesu se uiga fou o lenei sauniga, faatasi ma ni faatusa fou: O le tama'i mamoe na avea ma areto ma le toto na avea ma uaina.
- Ua avea nei ma faatusa o le tino ma le toto o lo tatou Togiola, o Lē na aumaia i tatou nai Aikupito (o lona uiga, mai ia tatou agasala), ma aumaia i tatou i le Nu'u o le Folafulaga (1 Korinito 11:23-26).

B Tapuaiga i luga o mauga:

❖ O se fatafaitaulaga mo tapuaiga (Iosua 8:30-31)

- Na poloa'ina e Mose lo latou ulufale atu i Kanana, ina ia faia se fatafaitaulaga i luga o le Mauga o Evalu, ma ia avatu le viiga i le Atua (Teuteuronyme 27:5-7). Aisea le Mauga o Evalu ae le o luga o le Mauga o Keresema?
- O le fatafaitaulaga atoa ma tulafono e tatau ona tusia i se maa faamanatu (maa e le mafai ona tatala) ina ia faitau atu i tagata e fesootai atu ai i faamanuiaga ma malaia (Teuteuronyme 27:12-13). O le faamanuiaga sa ta'u atu i Keresema, ma le malaia i luga o le mauga o Evalu.
- Na avea Iesu ma malaia mo i tatou, ina ia mafai ona maua e i tatou le manuia (Kalatia 3:13-14). O lenei fatafaitaulaga e mo i tatou, o se ata manino o le taulaga na faia e Iesu mo i tatou.
- I le ogatotonu o le faatoilaloina, na saili atu ai Isaraelu mo se taimi e toe tuuina atu ai o ia lava i le Atua. O se valaaulia lea mo i tatou ina ia faaa'oa'o i la latou faataitaiga, ina ia toe tuuina atu i tatou lava i le Atua, e le gata i tagata ta'ito'atasi, ae faapea foi i tagata filifilia o le Atua.

❖ Ia manatua le tulafono (Iosua 8:32-35)

- Ina ua uma ona fausia le fatafaitaulaga i luga o le Mauga o Evalu, ona faatuina lea e Iosua o ni maa ma valiina i panisina. Ona ia tusia lea i luga o nei maa o upu uma lava o le tulafono [O loo i le Teuteuronyme, lea o loo aofia ai Tulafono e Sefulu ma isi tulafono eseese, faatasi ai ma faamanuiaga ma malaia] (Iosua 8:32; Teuteuronyme 27:2-3).
- Mulimuli ane, ona faitauina lea o le tulafono i tagata, na vaevaeina i ni vaega se lua—o le tasi i le itu-mauga o Evalu a'o le isi i le itu-mauga o Keresema (Iosua 8:33-35). O lenei auala, na toe faafouina ai le feagaiga i le va o le Atua ma Ona tagata.
- O lenei foi le valaaulia mo i tatou a'o maua le soifua ma le ola. I le avea ai ma e o totoo o le fanau a le Atua, e tatau ona faafouina la tatou feagaiga ma la i lea taimi ma lea taimi, ma ia manatua le auala na la taitaiina mai ai i tatou se'ia oo mai i le taimi nei, ma Ana faamanuiaga ua la tuuina mai i a'i tatou, aemaise o le ola ma le malosia faifai pea i lea aso ma lea aso.

- E faaopopo atu i le faafouina oi tatou taitoatasi, ua saunia foi e lea Sauniga Paia mo i tatou se taimi faapitoa mo se toe faafouina ai o tagata o le Atua.

C O se nofoaga faapitoa e tapuai ai:

❖ Ua Faatuina le Falefetafai (Iosua 18:1)

- Ua faatoilaloina le laueleele e Isaraelu. Na vaevaeina lea laueleele i ituaiga sili ona iloga, e ui lava e lei maua e isi ituaiga e fitu ni o latou tofi. O tagata tau o Reupena, o Kato, ma le afa o le ituaiga o Manase o le a aauina atu i o latou tofi i tala atu o Ioritana.
- A'o lei vavaeeseina o ituaiga, na i ai lava faatinoga faapitoa ma le taua na faatinoina: O le faatuina lea o le Falefetafai, ona o le a avea lea ma ogatotonu o tapuaiga a Isaraelu (Iosua 18:1)
- O le Falefetafai, o se afioaga vaaia lea o le Atua e afio ai, o se tulaga lea o le lotogatasi e tuufaatasia ai i latou uma i tapuaiga. A aunoa ma le afio ai o le Atua, e leai se uiga o le umiaina o le laueleele.
- I ona aso nei, a'o i ai pea le luitau o mea faaonapo nei ma mea faa-ia-onapo e faatoilaloina, e matuā taua lava ona taula'i atu o tatou mafaufau i le Falefetafai Faale-lagi, lea o loo fautua ai lesu mo i tatou.